

جریدہ علیہ

مبنت جلیلہ اسلامیکہ جریدہ رسمیه سید

ربیع الاول ۱۳۳۸

عدد ۵۱

آیدہ برنشر اولور

بشقی سنہ

فتاویٰ شریفہ

اسلام

زید نصرانی (لا اله الا الله محمد رسول الله) ديسه زیدك اسلامه حکم اولنق صحیح اولورمی.
الجواب اولور

جنائز

هندغنه فوت اولدقدہ تجهیز وتکفینی کندی مالتدن لازم اولیوب زوجی زید اوزرینه.
لازم اولورمی الجواب اولور

کفارة عین

زید یمین اوزریمه اولسون فلان فعلی ایشلمیهیم دیوب بعده اول فعلی ایشله زید.
کفارت یمین لازمه اولورمی الجواب اولور

زید فلان کون فلان محله وارمزهم امت محمددن اولیهیم دید کدنصرکه اول کون.
مرور ایدوب زید اول محله وارماسه زید کافر اولق اعتقادنده اولوب وارمادیه تجدید.

یمن و نکاح اگر یمن اولق اعتقادند اولوب وارمادیسه کفارت یمن لازمه اولورمی
الجواب اولور

نکاح

زید مسلم هندی شهر صفزده عقد نکاح ایتک بلاکراهه جائز اولورمی الجواب
اولور

زید مسلم هندی عیدین بیتنه زوج ایتک بلاکراهه جائز اولورمی الجواب اولور

هند بالغه نفسی شهود محضر لرنده زیده تزویج ایتدکنصکره هند نادمه اولوب زیده
سن بنم کفوم دکلسن دیو عقد مزبوری فسخه قادره اولورمی الجواب : اولماز

زید زوجه موطونه سی هندک زوج آخردن اولان اوغلی عمروک قزی زینبی زوج
ایتک جائز اولورمی الجواب اولماز

هند بالغه نفسی شهود محضر نده زیده تزویج ایتدکنصکره نفسی شوقدر غشوش
مهر تسمیه سیله عمروه دخی تزویج ایلسه عقد نانی صحیح اولورمی الجواب اولماز

زیدک زوجه سی هنددن متولد اوغلی عمرو زیدک زوجه اخراسی زینبک زوج آخردن
متولده قزی خدیجه بی تزویج ایتک جائز اولورمی الجواب اولور

شاهد واحد حضورنده عقد

زید هندی زوج ایتدکده زید وهنددن غیری آنجق عمرو حاضر اولسه عقد مزبور
صحیح اولورمی الجواب اولماز

عقدام ولد

زید ام ولدی هندی اعتاق ایتدین شوقدر آجه مهر تسمیه سیله تزویج ایتدکنصکره

زید فوت اولسه هند عقد مزبورہ بناءً ترکہ سندن مهر و حصہ نامہ نسہ آلفہ قادریہ
اولورمی الجواب اولماز

ولایت عقد

هند صغیرہ نیک لابوین عمی قری زینبیدن غیری ولیسی اولماقہ زینب ہندی شہود
محضر لرندہ مهر مثیلہ کفوی زیدہ تزویج ایلسہ عقد مزبور صحیح اولورمی الجواب
اولور

ترکدن مهر

زید محنتدہ ہندی شوقدر غروش مهر ایلہ تزویج ایدوب قبل الدخول زید فوت اولسه
هند ترکہ زیددن مہرینی تماماً آلمق استدکدہ سائر ورثہ مجرد زید قبل الدخول فوت
اولماقہ مہرک آنحق نصفی ویررز دیمکہ قادر اولورلرمی الجواب اولمازلر

رضاع

زید رضاعاً قر قونداشی ہندک نسباً قیزی زینبی تزویج ایتک جائز اولورمی الجواب
اولماز

زید صغیر اغلادقدہ مرضعہ اولمیوب مہسنک سودی اولیان ہند زیدی اسکت ایچون
مہسنی زیدک آغزینہ ادخال ایدوب زید مص ایتدکدہ سودکلمہ مجرد ہند مہسنی آغزینہ
ادخال ایتککہ حکم رضاع ثابت اولوب زیدہندک رضاعاً اوغلی اولمش اولورمی الجواب
اولماز

ہند زوجی زید معسردن اولان ولد رضیعی ارضاعدن امتناع ایدوب ولد مزبور غیرک
لبنی اخذ ایدر اولسه ہند ولد مزبوری ارضاعہ مجبور اولورمی الجواب اولماز

زیدک زوجہ لری ہند وزینب زیددن اولان سود ایلہ مدت رضاعدہ ہند عمر لری

وزینب دخی خدیجهی ارضاع ایسه لر عمرو خدیجهی تزوج ایتک جائز اولورمی الجواب
اولماز

زید آناسنک رضاعاً قیز قرنداشی هندی تزوج ایتک جائز اولورمی الجواب اولماز

طلاق

زید زوجہ سی ہندہ اوزریک زینبی تزوج ایدوب بعدہ سنی تطلیق ایدرسم زینب اوچ
طلاق بوش اولسون دید کدنصکرہ زید زینبی تزوج ایدوب لکن هندی تطلیق ایتماہ
شرط منبورہ بناءً زینب زیددن اوچ طلاق بوش اولورمی الجواب اولماز

جبراً زنا

زید عمروک زوجہ سی ہندہ جبراً زنا ایسه ہند عمرودن بوش اولورمی الجواب
اولماز

زید هندی تزوج ایدوب خلوت صحیحہ بولند کدنصکرہ زید ہندہ دخول ایتدین بوش
اول دیسہ زید ہندہ عدتی ایچندہ مراجعتہ قادر اولورمی الجواب اولماز

زید زوجہ سی ہندہ باکہ اطاعت ایتمزک سنی بوشادم دید کدنصکرہ ہند زیدہ
اطاعتدہ بولند قہ زیددن بوش اولورمی الجواب اولماز

زید زوجہ مدخول بہاسی ہندہ سنی تطلیق ایتدم دیسہ واقع اولان طلاق رجعی
اولورمی الجواب اولور

بعد الطلاق تزوج

زید ذات حیض اولان زوجہ مدخول بہاسی هندی اوچ طلاق ایلہ تطلیق ایتد کدنصکرہ
بش آی مرورنده زیدہ کلوب بن نفسی بعد انقطاع المدہ عمروہ تزوج ایدوب عمرو
دخی باکہ داخل اولدی تحلیل شرعی حاصل اولد کدنصکرہ عمرو بنی تطلیق ایدوب عدتم

منتضیه اولدی دیسه زید هنده اینا ییحق زید هندی تزوج ایتک جائز اولورمی الجواب
اولور

* *

شبهه عرق ایله طلاق

زید عرق ایچرسم زوجم هند بوش اولسون دیوب بعده عرق ایچمکه زوجة مدخول
بهاسی هند زیددن طلاق رجعی ایله بوش اولسه طلاق اخیر اولما ییحق حالا زید عدتی
ایچنده هنده مراجعت ایدوب تجدید نکاح ایتدین هند ایله ازواج معامله سنه قادر اولورمی
الجواب اولور

* *

زید زوجہ سی هندی ایکی دفعه تطلیق و تجدید نکاح ایتد کد نصکره زید طائعا سکران
ایکن هندی ینه تطلیق ایسه زید هندی بلا حله تزوج قادر اولورمی الجواب اولماز

* *

زید زوجہ سی هند ایله چکشد کده وار یقل کیت دیوب طلاق نیت ایسه هند مبانہ
اولورمی الجواب اولور

* *

زید زوجہ سی هنده با که رامزن دیسه مجرد بویله دیمکه هند بوش اولورمی الجواب
اولماز

* *

زید صحبته زوجہ سی هندی یاینا تطلیق ایتد کد نصکره هند ک عدتی ایچنده زید فوت
اولسه هند زیده وارثه اولورمی الجواب اولماز

* *

زید مسلمان کفر ایجاب ایدر بر امر صادر اولقله زوجہ سی هند مبانہ اولد کد نصکره
زید تجدید ایمان ایدوب تجدید نکاح ایتدین هندی عدتی ایچنده اوچ طلاق ایله تطلیق
ایسه زید هندی بلا حله تزوج جائز اولورمی الجواب اولماز

* *

نسب

زید آخر دیارده ایکن زوجہ سی هند وضع حمل ایدوب بعده کلوب احبابی نهته ایتد کلرنده

زید شکوت ایدوب بعده زیده ولد مزبور بدن دکلدیر دیسه ولدك نسبی زیددن متقی
ولورمی الجواب اولماز

زید کیمسه نك تحت نکاح وعدتنده اولیان هنده زنا ایدوب بعده هندی تزوج
ایتد کدنصره هند وقت تزوجدن آلتی آیدن اقلده بولد کتورسه زیدولد بدن در دیوب
هنده زنا ایتدیکنی دیمیچك ولدك نسبی زیددن ثابت اولورمی الجواب اولور

حق حضانه

هند صغیره یی آناسی زینب بحق الحضانه امساك اوزره ایکن هند طقوز یاشنی تکمیل
ایدوب مشتهه اولسه صغیره نك اقرب عصبائی لاب عمی زید صغیره یی زینبدن آلفه قادر
اولورمی الجواب اولور

زید صغیرك حق حضانه یی باباسنك آناسی هندك اولیوب آناسنك آناسی زینبك
اولورمی الجواب اولور

دردت بش یاشنده اولان زید صغیری آناسی هند بحق الحضانه تربیه اوزره ایکن
هنددن حق حضانه ساقط اولدین زیدك باباسی عمرو زیدی هنددن آلفه قادر اولورمی
الجواب اولماز

تسلیم صغیر

هند زوج مطلق زیددن اولان صغیر اوغلی عمروی بحق الحضانه امساك اوزره ایکن
عمرو بدی یاشنی تکمیل ایدوب استغنا حاصل اولسه زید عمروی هنددن آلفه قادر اولورمی
الجواب اولور

زید زوجه سی هندی تطلیق ایتد کدنصره هند زیددن اولوب دردت بش یاشنده اولان
صغیر اوغلی عمروی بحق الحضانه آلوب تربیه ایتك مراد ایتد کده زید بن امساك اولایم
دیوب ویرمامکه قادر اولورمی الجواب اولماز

بلوغه حکم

هند صغيره سنه قمریه حسابيله اون بش یاشنی تکمیل ایتدکده بلوغيله حکم اولنق
لازم اولورمی الجواب اولور

* *

نفقه

زید و هند صغير وقیرلرک لابوین عملری عمرو موسردن غیری کسنه لری اولماسه
زید و هندک نفقه لری عمرو اوزرینه لازمه اولورمی الجواب اولور

* *

زوجی اولیان هند فقیردنک قیزینک اوغلی زید موسر ایله قیزینک قیزلری زینب
و خدیجه موسرلردن غیری کسنه سی اولماسه هندک نفقه سی مزبورلر اوزرلرینه سوباً
لازمه اولورمی الجواب اولور

* *

تقسیم مال مشترک

قرنداشلر اولان زید و عمرو بابالری بکر متوفادن کندولره ارثاً انتقال ایدن مال
مشترک ایله بر مدت معاً کسب و تجارت ایدوب شوقدر فائده تحصیل ایلسه لر زید و عمرو
اول فائده یی برابر اقسامه قادر اولورلری الجواب اولورلر

* *

زید باباسی عمروک عیالنده ایکن عمروه کار و کسندن معاونت ایدوب بر مقدار مال
حاصل اولسه زید اول مالده عمروه مشارکته قادر اولورمی الجواب اولماز

* *

غله وقف

بر وقفدن خدمت مقابله سنده بروظیفیه متصرف اولان زید بر مدت اداء خدمت
ایدوب مستحق اولدیی شوقدر غروث وظیفه سی متولیس عمروک یدنده اولان غله
واقفه وقفدن آلق ایستدکده عمرو ویرمیوب کندی مصارفه صرف ایله استهلاک
ایتدکدنصکره عمرو فوت اولسه زید مبلغ مزبوری عمروک ترکه واقفه ندن تضمینه قادر
اولورمی الجواب اولور

* *

اجرت تولیت

محصولی سنوی اولان وقفك متولسی زید برقاج آی خدمت ایدوب بعده زید عزل
اولنوب یرینه عمرو متولی اولوب محصول حاصل اولدقه جله محصولی عمرو قبض ایلسه
زید تولیت خدمتی مقابله سنده اول آیلره اصابت ایدن مقداری عمرودن آلفه قادر
اولورمی الجواب اولور

غله وقف

زید وقف ایتدیکی عقارك غله سی اولادینه بعدالانقراض فقرايه شرط ایدوب زیدك
اولاد صلیه سی عقارك غله سنه متصرفلر ایکن منقرض اولسهر اولاد برکره ذکر اولیجق
عقارك غله سی زیدك اولاد اولادینه صرف اولنوب فقرايه صرف اولنق لازم اولورمی
الجواب اولور

برقریه نك اهالیسی پریشان اولوب قریه مزبورده اولان جامع خراب ومستغنی عنه
اولغله وقفك غله سی رأی حاكمه آكا اقرب اولوب وقفی ضعیف اولان مسجذك مصارفه
صرف اولنق جائز اولورمی الجواب اولور

تولیت

تولیتی كمسنه مشروطه اولیان وقفك تولیتی محلوله اولدقه واقفك اهل بیتدن
تولیته مستحق اولان زید موجود ایکن حاكم تولیتی زیده توجیه ایتوب اجنبیه توجیهه
قادر اولورمی الجواب اولماز

اجرت تدریس

فی مدرس فرغ نفسه للتدریس بان حضر المدرسه المعینه لتدریسه لکن تعذرله التدریس
لعدم وجود الطلبة فیها فهل یتحقق المعلوم ام لا الجواب نعم یتحقق المعلوم

توجیه خطابت

خطیب فوت اولوب قاضی خطابتی زیده توجیه ایلسه زیده رات اولنجیه قدر خطابتی
زید ادا ایتك جائز اولورمی الجواب اولور

بیع فضولی

زید اوغلی عمرو کیر حاضر ایکن زید عمروک بارکیرنی فضولا بکره بیع وتسلیم
ایلسه عمرو بیعی مجیز اولیوب بارکیرنی بکردن آلمغه قادر اولورمی الجواب اولور

* *

الزام ربح

هند زیده قرض ویردیکی آخه سیچون زیدک اوزرینه برسنه تمامه دک اونو اون بر
یحقی حسابی اوزره معامله شرعیه ایله شوقدر آخه ربح الزام ایدوب سنه تمامه ربح
مزبوروی زیددن آلسه ربح مزبور هنده حلال اولورمی الجواب اولور

* *

فسخ صلح

زید عمرو متوفانک ترکه وافیهنی قبض ایدن حصراً وارثی اوغلی بکردن عمرو ذمتنده
قرضدن شوقدر غروش حقم واردرد دیو دعوی ایتدکده بکر زید ایله عن انکار مبلغ
مزبورک بر مقداروی اوزرینه صلح اولدقدنصکره بکر نادم اولوب صلح مزبوروی فسخه
قادر اولورمی الجواب اولماز

* *

هه

زید قابل قسمت اولان ملک باغچهسی زوجہسی هند وکیره قیزی زینه هر برینک
حصهسی افراز وتعیین ایتدین شایعاً هه وشایعاً تسلیم ایلسه هه مزبورده صحیحه وتامه
اولورمی الجواب اولماز

* *

زید محضنده شوقدر آخه سی اوغلی عمرو کیره هه وتسلیم ایتدکدنصکره زید فوت
اولسه سائر ورثهسی هه بی طو تمامغه قادر اولورمی الجواب اولمازلر

* *

زید ملک منزلی اولنجیه قدر کندوی بسله مک اوزره هند هه وتسلیم ایدوب بعده
هند فوت اولوب ورثهسی ترک ایلسه زید منزل مزبوروی ورثه دن آلمغه قادر اولورمی
الجواب اولور

* *

زید مرض موتنده جمله اشیائی زوجه سی هنده هبه و تسلیم ایتد کد نصکره زید فوت
اولوب آنجق هندی ترک ایلسه امین بیت المال اشیایه مداخله یه قادر اولورمی
الجواب اولماز

* *

معنوه
معتوه صغیر یمیز حکمنده اولدیغندن زید معتوهك قبول هبه و هدیه کبی کندی حقدمه
نفع محض اولان تصرفی و لیسنك اذن و اجازتی اولماسه بیله معتبر اولورمی
الجواب اولور

* *
بوصورتده آخره هبه ایتك کبی کندی حقدمه ضرر محض اولان تصرفی و لیسنك
اذن و اجازتیه بیله اولسه معتبر اولورمی الجواب اولماز
بوصورتده ذاتاً نفع ایله ضرر بیننده دائر اولان عقودی و لیسنك اجازتنه موقوفاً
منعده اولورمی الجواب اولور

* *

تغلب
زید عمروك ملك عرصه سی تغلباً ضبط و اوزرینه نفسی چون منزل بنا احدات
ایلسه عمرو زیده بناسنی قلع ایتدیروب عرصه یی آلفه قادر اولورمی الجواب اولور
* *

مرور زمان
زیدك مغلبه دن عمرو ایله بر منزله متعلقه دعواسی اولوب لکن عمروك قهر و تغلبه
اوتوز سنه متبادی اولمقله زید بومدتمده دعوی ایده مسه حالا عمرو فوت اولوب منزلی
ورثه سی ضبط ایتلمیله زید منزل مزبوری ورثه دن دعوی مراد ایتد کده ورثه مجرد اوتوز
سنه مرور ایتمکه دعواك مسموعه اولماز دیو زیدی دعوا دن منع قادر اولورلر
الجواب اولمازلر

* *

وصی منصوب
زید صغیر قاضی عمرونی وصی نصب ایتد کد نصکره زید رشید اولدیغنی حالده بالغ
اولدقده عمروك یدنده اولان مالی عمرو دن آلفه قادر اولورمی الجواب اولور
* *
بوصورتده زید بالغ ورشید اولدقده نصکره بعض اشیائی بکریه بیع ایلسه مجرد رشدمه

حکم شرعی اولدین واقع اولان بیع صحیح اولماقله اشیاء منبوره نی بکردن آورم دیمکه قادر
اولورمی الجواب اولماز

زید متوفانک اولاد صغارینک ماللرینی اوکی آنالری هند تغلباً ضبط ایدوب صغارک
وصیلری صغارک بابالرینک باباسی اولوب محمودالحال اولان عمرو اول مالی هنددن آلوب
صغار ایچون حفظه قادر اولورمی الجواب اولور

غیر مسلم دن میراث طلبی
زید غیر مسلم فوت اولدقده زیدک مسلم اولان قرنداشی عمر وزیده وارث اولورمی
الجواب اولماز

ترکه معتقه
هند معتقه فوت اولوب آنحق کندویی آزاد ایدن زیدک لابوین ار قرنداشی اوغلی
عمروی ترک ایتدکده عمرو ترکه هندی احرازه قادر اولورمی الجواب اولور

بو صورتده زیدک زوجہ سی دخی هندہ وارثه اولورمی الجواب اولماز

غریقاً وفات
زید زوجہ سی هند ایله بر سفینه ایچنده ایکن اول سفینه غرق اولقله زید و هند دخی
غریقاً فوت اولوب قنغیسی مقدم فوت اولدینی معلوم اولسه بونلردن هربری آخره وارث
اولیوب هر برینک مالی ورثه احیاسنه ویرملک لازم اولورمی الجواب اولور

اراضی میری
زید اراضی امیریہ دن سند خاقانی ایله تصرفنده اولان ترلاده اذن صاحب ارض ایله
ملک کرومی نفسیچون غرس ایتدکدنصکره فوت اولوب اوغلی عمروایله قزی هنده
ترک ایتدکده اول کرومک اوج سہمدن ایکی سہمی عمروه بر سہمی هنده ویرملک لازم
ایکن هند مجرد اول کروم ارض میری اولان ترلایه مغروسه اولمقله یرہ تابعه اولور اولیله
اولیحق اول کرومی عمرو ایله مساوات اوزره ضبط ایدرم دیمکه قادر اولورمی الجواب
اولماز

کتابه الفقیر الیه تعالی ابراهیم الحیدری
عفی عنه